

rumque te plurimum non dubito , meritas iis
animo grates rependas , quibus jure debentur .
Nunc verò quæ PALATINI SOCII in
opere ipso præstiterint accipe .

Expetebat longa hæc mille annorum series ,
quam V. Cl. MURATORIUS noster , erutis an-
tiquorum monumentis , in tanta rerum cali-
gine illustrandam suscepserat , novum alterum
etiam ornamentum , immovero lucis augmen-
tum à geographicis tabulis , ut pari gressu per
temporum spatia , & locorum intervalla proce-
dat Historia ; eas autem , et si Geographi plu-
res Italiam nostram describentes jam ante de-
derint , peritus tamen quisque regionis , vel
improbaverit , vel integræ huic historiæ mini-
mè accomodas noverit : quippe beatissima olim
regio eas passa est calamitates , & rerum vi-
cissitudines , iis præcipue temporibus , quæ no-
stra serie percurrimus , ut miserè Barbari la-
ceraverint , & auream ceu raptam vestem
partiti sint , plures infelicissimas urbes ab imo
solo eradentes , novasque arbitrio suo excitan-
tes , vel abrogatis , mutilatisque veterum no-
minibus , nova , fastu , ac sermone proprio plu-
rimis locis imponentes . Hinc triplicem Italiae
aspectum triplici tabula designarunt , primum
illum , & Romano Imperio decorum , sed nu-
tante ipso quasi pallentem , lacerum alterum ,
& Barbarorum sevitâ cadavericum , novissi-
mum tandem Summ. Pontificum , Imperatorum ,
Regum , ceterorumque Principum cura , &
pie-